

學庸

後藤嘉幸訓點

全

特71

505

300900-001-3

特71-505

四書（假名附）

後藤 嘉幸 / 訓點

M17.5

AAC-0007



後藤嘉幸訓點

# 四書

假名附

52.6.9  
77W21734

東京書林

山中氏版

505

## 大學章句序

大學之書古之大學所以教人之法也蓋白天降生民則既莫不與之以仁義禮智之性矣然其氣質之稟或不能齊是以不能皆有以知其性之所有而全之也一有聰明睿智能盡其性者出於其間則天必命之以為億兆之君師使之治而教之以復其性此伏羲神農黃帝堯舜所以繼天立極而司徒之職典樂之官所由設也三代之隆其法寔備然後王宮國都以及闔巷莫不有學人生八歲則自王公以下至於庶人之子弟皆入小學而教之以灑掃應對進退之節禮樂射御書數之文及其十有五年則自

大學章句序

大學之書古之大學所以教人之法也蓋自天降生民則  
 既莫不與之以仁義禮智之性矣然其氣質之稟或不能  
 齊是以不能皆有以知其性之所有而全之也一有聰明  
 睿智能盡其性者出於其間則天必命之以為億兆之君  
 師使之治而教之以復其性此伏羲神農黃帝堯舜所以  
 繼天立極而司徒之職典樂之官所由設也三代之隆其  
 法寔備然後王宮國都以及閭巷莫不有學人生八歲則  
 自王公以下至於庶人之子弟皆入小學而教之以灑掃  
 應對進退之節禮樂射御書數之文及其十有五年則自

天子之元子衆子以至公卿大夫元子之適子與凡民之  
俊秀皆入大學而教之以窮理正心脩身治人之道此又  
學校之教大小之節所以分也夫以學校之設其廣如此  
教之之術其次第節目之詳又如此而其所以爲教則又  
皆本之人君躬行心得之餘不待求之民生日用彝倫之  
外是以當世之人無不學其學焉者無不有以知其性分  
之所固有職分之所當爲而各俛焉以盡其力此古者盛  
時所以治隆於上俗美於下而非後世之所能及也及周  
之衰賢聖之君不作學校之政不脩教化陵夷風俗頽敗  
時則有若孔子之聖而不得君師之位以行其政教於是

獨取先王之法誦而傳之以詔後世若曲禮少儀內則第  
子職諸篇固小學之支流餘裔而此篇者則因小學之成  
功以著大學之明法外有以極其規模之大而內有以盡  
其節目之詳者也三千之徒蓋莫不聞其說而曾氏之傳  
獨得其宗於是作爲傳義以發其意及孟子沒而其傳泯  
焉則其書雖存而知者鮮矣是以來俗儒記誦詞章之習  
其功倍於小學而無用異端虛無寂滅之教其高過於大  
學而無實其他權謀術數一切以就功名之說與夫百家  
衆技之流所以惑世誣民充塞仁義者又紛然雜出乎其  
間使其君子不幸而不得聞大道之要其小人不幸而不

得蒙至治之澤晦盲否塞反覆沈痼以及五季之衰而壞  
亂極矣天運循環無往不復宋德隆盛治教休明於是河  
南程氏兩夫子出而有以接乎孟子之傳實始尊信此篇  
而表章之既又爲之次其簡編發其歸趣然後古者大學  
教人之法聖經賢傳之指粲然復明於世雖以熹之不敏  
亦幸私淑而與有聞焉顧其爲書猶頗放失是以忘其固  
陋采而輯之間亦竊附己意補其闕畧以俟後之君子極  
知僭踰無所逃罪然於國家化民成俗之意學者脩己治  
人之方則未必無小補云淳熙己酉二月甲子新安朱熹  
序

大學

朱熹章句

子程子曰大學孔氏之遺書而初學入德之門也於  
今可見古人爲學次第者獨賴此篇之存而論孟次  
之學者必由是而學焉則庶乎其不差矣

大學之道在明明德在親民在止於至善知止而后有  
定定而后能靜靜而后能安安而后能慮慮而后能得  
物有本末事有終始知所先後則近道矣古之欲明明  
德於天下者先治其國欲治其國者先齊其家欲齊其  
家者先脩其身欲脩其身者先正其心欲正其心者先  
誠其意欲誠其意者先致其知致知在格物○物格而

后知至知至而后意識意識而后心正心正而后身脩身  
脩而后家齊家齊而后國治國治而后天下平自天子  
以至庶人壹是皆以脩身為本其本亂而未治者否乎  
矣其所厚者薄而其所薄者厚未之有也

右經一章蓋孔子之言而曾子述之其傳十章則曾  
子之意而門人記之也舊本頗有錯簡今因程子所  
定而更考經文別為序次如左

康誥曰克明德大甲曰顧諟天之明命帝典曰克明峻  
德皆自明也

右傳之首章釋明明德

湯之盤銘曰苟日新日日新又日新康誥曰作新民詩  
曰周雖旧邦其命維新是故君子無所不用其極

右傳之二章釋新民

詩云邦畿千里惟民所止詩云緝蠻黃鳥止于仁隅子  
曰於止知其所以止而不知鳥乎詩云穆穆文王  
於緝熙敬止為人君止於仁為人臣止於敬為人子止於  
孝為人父止慈與國人交止於信詩云瞻彼淇澳萋萋  
猗猗有斐君子如切如磋如琢如磨瑟兮僖兮曄兮曄  
兮有斐君子終不可諠兮如切如磨者道學也如琢如  
磨者自脩也瑟兮僖兮者恂慄也赫兮喧兮者威儀也

有斐君子終不可誼者道盛德至善民之不能忘也  
詩云於戲前王不忘君子賢其賢而親其親小人樂其  
樂而利其利此以沒世不忘也

右傳之三章釋止於至善

子曰聽訟吾猶人也必也使無訟乎無情者不得盡其

亂大畏民志此謂知本

右傳之四章釋本末

此謂本知此謂知之至也

右傳之五章蓋釋格物致知之義而今亡矣間嘗竊

取程子之意以補之曰所謂格知在格物者言欲致

吾之知在即物而窮其理也蓋人心之靈莫不有知  
而天下之物莫不有理惟於理有未窮故其知有不  
盡也是以大學始教必使學者即凡天下之物莫不  
因其已知之理而益窮之以求至乎其極至於用力  
之久而一旦豁然貫通焉則衆物之表裏精粗無不  
到而吾心之全體大用無不明矣此謂物格此謂知  
之至也

所謂誠其意者毋自欺也如惡惡臭如好好色此之謂  
自謙故君子必慎其獨也小人間居爲不善無所不至  
見君子而后厭然揜其不善而著其善人之視已如見

其肺肝然則何益矣此謂誠於中形於外故君子必慎其獨也曾子曰十目所視十手所指其嚴乎富潤屋德潤身心廣體胖故君子必誠其意

右傳之六章釋誠意

所謂脩身在正其心者身有所忿懣則不得其正有所恐懼則不得其正有所好樂則不得其正有所憂患則不得其正心不在焉視而不見聽而不聞食而不知其味此謂脩身在正其心

右傳之七章釋正心脩身

所謂齊其家存脩其身者人之其所親愛而辟焉之其所賤惡而辟焉之其所畏敬而辟焉之其所哀矜而辟焉之其所教惰而辟焉故好而知其惡惡而知其美者天下鮮矣故諺有之曰人莫知其子之惡莫知其苗之碩此謂身不脩不可以齊其家

右傳之八章釋脩身齊家

所謂治國必先齊其家者其家不可教而能教人者無之故君子不出家而成教於國孝者所以事君也弟者所以事長也慈者所以使衆也康誥曰如保赤子心誠求之雖不中不遠矣未有學養子而后嫁者也一家仁一國興仁一家讓一國興讓一人貪戾一國作亂其機



如此此謂一言債事一人定國堯舜師天下以仁而民  
從之桀紂師天下以暴而民從之其所令反其所好而  
民不從是故君子有諸已而后求諸人無諸已而后非  
諸人所藏平身不想而喻諸人者未之有也故治國  
在齊其家詩云桃之夭夭其葉蓁蓁之子干歸宜其家  
人而后可以教國人詩云宜兄宜弟宜兄宜弟而后可  
以教國人詩云其儀不忒正是四國其爲父子兄弟足  
法而后民法之也此謂治國在齊其家

右傳之九章釋齊家治國

所謂平天下在治其國者上老老而民興孝上長長而

民興弟上恤孤而民不倍是以君子有絜矩之道也所  
惡於上毋以使下所惡於下毋以事上所惡於前毋以  
先後所惡於後毋以從前所惡於右毋以交於左所惡  
於左毋以交於右此之謂絜矩之道詩云樂只君子民  
之父母民之所好好之民之所惡惡之此之謂民之父  
母詩云節彼南山維石巖巖赫赫師尹民具爾瞻有國  
者不可以不慎辟則爲天下僂矣詩云殷之未喪師克  
配上帝儀監十殷峻命不易道得衆則得國失衆則失  
國是故君子先慎乎德有德此有人有人此有土有土  
此有財有財此有用德者本也財者末也外本內末爭

民施棄是故財聚則民散財散則民聚是故言悖而出者亦悖而入貨悖而入者亦悖而出康誥曰惟命不于常道善則得之不善則失之矣楚書曰楚國無以為寶惟善以為寶舅犯曰亡人無以為寶仁親以為寶秦誓曰若有一个臣斷斷兮無他技其心休休焉其如有容焉人之有技若己有之人之彥聖其心好之不啻若自其口出寔能容之以能保我子孫黎民尚亦有利哉人之有技媚疾以惡之人之彥聖而違之俾不通寔不能容以不能保我子孫黎民亦曰殆哉惟仁人放流之迸諸四夷不與同中國此謂惟仁人為能愛人能惡人見

賢而不能舉舉而不能先命也見不善而不能退退而不能遠過也好人之所惡惡人之所好是謂拂人之性菑必逮夫身是故君子有大道必忠信以得之驕泰以失之生財有大道生之者衆食之者寡為之者疾用之者節則財恒足矣仁者以財發身不仁者以身發財未有上好仁而下不好義者也未有好義其事不終者也未有庫財非其財者也孟獻子曰畜馬乘不察於雞豚伐冰之家不畜牛羊百乘之家不畜聚斂之臣與其有聚斂之臣寧有盜臣此謂國不以利為利以義為利也長國家而務財用者必自小人矣彼為善之小人之使

為國家。菑害並至。雖有善者。亦無知之何矣。以謂國不  
以利為利。以義為利也。

右傳之十章釋治國平天下

凡傳十章。前四章統論綱領。指趣。後六章細論條目。功  
夫。其第五章乃明善之要。第六章乃誠身之本。在初學  
尤為當務之急。讀者不可以其近而忽之。

大學章句畢

中庸章句序

中庸何為而作也。子思子憂道學之失其傳而作也。蓋  
自上古聖神繼天立極。而道統之傳有自來矣。其見於  
經則允執厥中者。堯之所以授舜也。人心惟危。道心惟  
微。惟精惟一。允執厥中者。舜之所以授禹也。堯之一言  
至矣盡矣。而舜復益之以三言者。則所以明夫堯之一  
言必如是而後可庶幾也。蓋嘗論之心之虛靈。知覺一  
而已矣。而以為有人心道心之異者。則以其或生於形  
氣之私。或原於性命之正。而所以為知覺者不同。是以  
或危殆而不安。或微妙而難見耳。然人莫不有是形。故

雖上智不能無人心亦莫不有是性故雖下愚不能無道心二者雜於方寸之間而不知所以治之則危者愈危微者愈微而天理之公卒無以勝夫人欲之私矣精則察夫二者之間而不雜也一則守其本心之正而不離也從事於斯無少間斷必使道必常為一身之主而人心每聽命焉則危者安微者著而動靜云為自無過不及之差矣夫堯舜禹天下之大聖也以天下相傳天下之大事也以天下之大聖行天下之大事而其授受之際不寧告戒不過如此則天下之理豈有以加於此哉自是以來聖聖相承若成陽文武之為君臯陶伊傳周

召之為臣既皆以此而接夫道統之傳若吾夫子則雖不得其位而所以繼往聖開來學其功反有賢於堯舜者然當是時見而知之者惟顏氏曾氏之傳得其宗及曾氏之再傳而復得夫子之孫子思則去聖遠而異端起矣子思懼夫愈久而愈失其真也於是推本堯舜以來相傳之意質以平日所聞父師之言更互演繹作為此書以詔後之學者蓋其憂之也深故其言之也切其慮之也遠故其說之也詳其曰天命率性則道心之謂也其曰擇善固執則精一之謂也其曰君子時中則執中之謂也世之相後千有餘年而其言之不異如合符

節歷選前聖之書所以提絜網維開示蘊奧未有若是之明且盡者也自是而又再傳以得孟氏爲能推明是書以承先聖之統及其沒而遂失其傳焉則吾道之所寄不越乎言語文字之間而是端之說日新月盛以至於老佛之徒出則彌迭理而大亂莫矣然而尚幸此書之不泯故裡夫子兄弟者出得有所考以續夫千載不傳之緒得有所據以斥夫二家似是之非蓋子思之功於是爲大而微程夫子則亦莫能因其語而得其志也惜乎其所以爲說者不傳而凡石氏之所輯錄僅出於其門人之所記是以大義雖明而微言未所至其門人

所自爲說則雖頗詳盡而多所發明然倍其師說而淫於考佛者亦有之矣熹自蚤歲即嘗受讀而竊疑之沈潛反復蓋亦有年一旦恍然似有以得其要領者然後乃敢會衆說而拆其衷既爲定著章句一篇以誅後之君子而一二同志復取石氏書刪其繁亂名以輯略且記所嘗論辯取舍之意別爲或問以附其後然後此書之旨支分節解脈絡貫通詳略相因巨細畢舉而凡諸說之同異得失亦得以由嶋旁通而各極其趣雖於道統之傳不敢妄議然初學之士或有取焉則亦庶乎行遠外高之一助云爾淳熙己酉春三月戊申新安朱熹

中庸

朱熹章句

子程子曰不偏之謂中不易之謂庸中庸者天下之正  
 道庸者天下之定理此篇乃孔門傳授心法子思恐  
 其久而差也故筆之於書以授孟子其書始言一理  
 中散為萬事未復合為一理放之則彌六合卷之則  
 退藏於密其味無窮皆實學也善讀者玩索而有得  
 焉則終身用之有不能盡者矣  
 天命之謂性率性之謂道脩道之謂教道也者不可須  
 臾離也可離非道也是故君子戒慎乎其所不睹恐懼  
 乎其所不聞莫見乎隱莫顯乎微故君子慎其獨也喜

中庸  
喜怒哀樂之未發謂之中發而皆中節謂之和中也者天下之大本也和也者天下之達道也致中和天地位焉萬物育焉

右第一章子思述所傳之意以立言首明道之本原出於天而不可易其實體備於已而不可離次言存養省察之要終言聖神功化之極蓋欲學者於此反求諸身而自得之以去夫外誘之私而允其本然之善楊氏所謂一篇之體要是也其下十章蓋子思引夫子言以終此章之義仲尼曰君子中庸小人反中庸君子之中庸也君子而時中小人之中庸也小人而無忌憚也

右第二章

子曰中庸其至矣乎民鮮能久矣

右第三章

子曰道之不行也我知之矣知者過之愚者不及也道之不明也我知之矣賢者過之不肖者不及也人莫不餘食也鮮能知味也

右第四章

子曰道其不行矣夫

右第五章

子曰舜其大知也與舜好問而好察通言隱惡而揚善

執其兩端用其中於民其斯以為舜乎

右第六章

子曰人皆曰予知驅而納諸罟獲陷阱之中而莫之知辟也人皆曰予知擇乎中庸而不能期月守也

右第七章

子曰回之為人也擇乎中庸得一善則拳拳服膺而弗失之矣

右第八章

子曰天下國家可均也爵祿可辭也白刃可蹈也中庸不可能也

右第九章

子路問強子曰南方之強與北方之強與抑而強與寬柔以教不報無道南方強也君子居之衽金革死而不厭北方之強也而強者居之故君子和而不流強哉矯中立而不倚強哉矯國有道不變塞焉強哉矯國無道至死不變強哉矯

右第十章

子曰素隱行怪後世有述焉吾弗為之矣君子遵道而行半途而廢吾弗能已矣君子依乎中庸遯世不見知而不悔唯聖者能之

右第十一章



君子之道費而隱。夫婦之愚可以與知焉。及其至也。雖  
聖人亦有所不知焉。夫婦之不肖可以能行焉。及其至  
也。雖聖人亦有所不能焉。天地之大也。人猶有所憾。故  
君子語大天下莫能載焉。語小天下莫能破焉。詩云。鸞  
飛戾天。魚躍于淵。言其上下察也。君子之道造端乎夫  
婦。及其至也察乎天地。

右第十二章。子思之言。蓋以申明首章道不可離之  
意也。其下八章。雜引孔子之言。以明之。

子曰。道不遠人。人之為道而遠人。不可以為道。詩云。伐  
柯伐柯。其則不遠。執柯以伐柯。視之猶以為遠。故  
君子以人治人。改而上市。忠恕違道不遠。施諸已而不願  
亦勿施於人。君子之道四丘未能一焉。所求乎子以事  
父未能也。所求乎臣以事君未能也。所求乎弟以事兄  
未能也。所求乎朋友先施之未能也。庸德之行。庸言之  
謹。有所不足不敢不勉。有餘不敢盡。言顧行。行顧言。君  
子胡不慥爾。

右第十三章

君子素其位而行。不願乎其外。素富貴行乎富貴。素貧  
賤行乎貧賤。素夷狄行乎夷狄。素患難行乎患難。君子  
無入而不自得焉。在上位不陵下。在下位不援上。正已

而不求於人則無怨上不怨天下不尤人故君子居易  
以俟命小人行險以徼幸子曰射有似乎君子失諸正  
鵠反求諸其身

右第十四章

君子之道辟如行遠必自邇辟如登高必自卑詩曰妻  
子好合如鼓瑟琴兄弟既翕和樂且耽宜爾室家樂爾  
妻孥子曰父母其順矣乎

右第十五章

子曰鬼神之爲德其盛矣乎視之而弗見聽之而弗聞  
體物而不可遺使天下之人齊明盛服以承祭祀洋洋

乎如在其上如在其左右詩曰神之格思不可度思矧  
可射思夫微之顯誠之不可揜如此矣

右第十六章

子曰舜其大孝也與德爲聖人尊爲天子富有四海之  
內宗廟饗之子孫保之故大德必得其位必得其名必  
得其壽故天之生物必因其材而篤焉故栽者培之傾  
者覆之詩曰嘉樂君子憲憲令德宜人受祿于天保佑  
命之自天申之故大德者必受命

右第十七章

子曰無憂者其惟文王乎以王季爲父以武王爲子父

作之子述之武王纘大王王季文王之緒壹戎衣而有  
天下身不失天下之顯名尊為天子富有四海之內宗  
廟饗之子孫保之武王未受命周公成文武之德追王  
太王王季上祀先公以天子之禮斯禮也達乎諸侯大  
夫及士庶人父為大夫子為士葬以大夫祭以士父為士  
子為大夫葬以士祭以大夫期之喪達乎大夫三年之  
喪達乎天子父母之喪無貴賤一也

右第十八章

子曰武王周公其達孝矣乎夫孝者善繼人之志善述  
人之事者也春秋脩其祖廟陳其宗器設其裳衣薦其

時食宗廟之禮所以序昭穆也序爵所以辨貴賤也序  
事所以辨賢也旅酬下為上所以逮賤也燕毛所以序  
齒也踐其位行其禮奏其樂敬其所尊愛其所親事死  
如事生事亡如事存孝之至也郊社之禮所以事上帝  
也宗廟之禮所以祀乎其先也明乎郊社之禮禘嘗之  
義治國其如示諸掌乎

右第十九章

哀公問政子曰文武之政布在方策其人存則其政舉  
其人亡則其政息人道敏政地道敏樹夫政也者蒲盧  
也故為政在人取人以身脩身以道脩道以仁仁者人

也親親爲大義者宜也尊賢爲大親親之殺尊賢之等  
禮所生也在下位不獲乎上民不可得而治矣故君子  
不可以不脩身思脩身不可以不事親思事親不可以  
不知人思知人不可以不知天天下之達道五所以行  
之者三曰君臣也父子也夫婦也昆弟也朋友之夾也  
五者天下之達道也知仁勇三者天下之達德也所以  
行之者一也或生而知之或學而知之或困而知之及  
其知之一也或安而行之或利而行之或勉強而行之  
及其成功一也子曰好學近乎知力行近乎仁知恥近  
乎勇知斯三者則知所以脩身知所以脩身則知所以

治人知所以治人則知所以治天下國家矣凡爲天下  
國家有九經曰脩身也尊賢也親親也敬大臣也體郡  
臣也子庶民也來百工也柔遠人也懷諸侯也脩身則  
道立尊賢則不惑親親則諸父昆弟不怨敬大臣則不  
眩體郡臣則士之報禮重子庶民則百姓勤來百工則  
財用足柔遠人則四方歸之懷諸侯則天下畏之齊明  
盛腹非禮不動所以脩身也去讒遠色賤貨而貴德所  
以勤賢也尊其位重其祿同其好惡所以勸親親也官  
盛任使所以勸天臣也忠信重祿所以勸士也時使薄  
歛所以勸百姓也日省月試既稟稱事所以勸百工也

送往迎來嘉善而矜不能所以柔遠人也繼絕世舉廢國治亂持危朝聘以時厚往而薄來所以懷諸侯也凡為天下國家有九經所以行之者一也凡事豫則立不豫則廢言前定則不跲事前定則不困行前定則不疚道前定則不窮在下位不獲乎上民不可得而治矣獲乎上有道不信乎朋友不獲乎上矣信乎朋友有道不順乎親不信乎朋友矣順乎親有道反諸身不誠不順乎親矣誠身有道不明乎善不誠乎身矣誠者天之道也誠之者人之道也誠者不勉而中不思而得從容中道聖人也誠之者擇善而固執之者也博學之審問之

慎思之明辨之篤行之有弗學學之弗能弗措也有弗問問之弗知弗措也有弗思思之弗得弗措也有弗辨辨之弗明弗措也有弗行行之弗篤弗措也人一能之己百之人十能之己千之果能此道矣雖愚必明雖柔必強

右第二十章

自誠明謂之性自明誠謂之教誠則明矣明則誠矣

右第二十一章

子思承上章夫子天道人道之意而立言也自此以下十章皆子思之言以及覆推明此章之意

唯天下至誠爲能盡其性則能盡人之性則能盡物之性能盡物之性則可以贊天地之化育可以贊天地之化育則可以與天地參矣

右第二十二章

其次致曲曲能有誠誠則形形著著則明明則動動則變變則化唯天下至誠爲能化

右第二十三章

至誠之道可以前知國家將興必有禎祥國家將亡必有妖孽見于蓍龜動乎四體禍福將至善必先知之不善必先知之故至誠如神

右第二十四章

誠者自成也而道自道也誠者物之終始不誠無物是故君子誠之爲貴誠者非自成己而已也所以成物也成己仁也成物知也性之德也合內外之道也故時措之宜也

右第二十五章

故至誠無息不息則久久則徵徵則悠遠悠遠則博厚博厚則高明博厚所以載物也高明所以覆物也悠久所以成物也博厚配地高明配天悠久無疆如此者不見而章不動而變無爲而成天地之道可一言而盡也

其爲物不貳。則其生物不測。天地之道博也。厚也。高也。明也。悠也。久也。今夫天斯昭昭之多。及其無窮也。日月星辰繫焉。萬物覆焉。今夫地一撮土多。及其廣厚載華嶽而不重。振河海而不洩。萬物載焉。今夫山一卷石之多。及其廣大。草木生之。禽獸居之。寶藏興焉。今夫水一勺之多。而不及不測。龜鼉蛟龍魚鼈生焉。貨財殖焉。詩云維天之命於穆不已。蓋曰天之所以爲天也。於乎不顯文王之德之純。蓋曰文王之所以爲文也。純亦不已。

右第二十六章

大哉聖人之道。洋洋乎發育萬物。峻極于天。優優大哉。

禮儀三百。威儀三千。待其人而後行。故曰苟不至德。至道不凝焉。故君子尊德性。道問學。致廣大而盡精微。極高明而道中庸。溫故而知新。敦厚以崇禮。是故居上不驕。爲下不倍。國有道其言足以興。國無道其默足以容。詩曰既明且哲。以保其身。其此之謂與。

右第二十六章

子曰愚而好自用。賤而好自專。生乎今之世。反古之道。如此者。裁及其身者也。非天子不議禮。不制度。不考文。今天下車同軌。書同文。行同倫。雖有其位。苟無其德。不敢作禮樂焉。雖有其德。苟無其位。亦不敢作禮樂焉。子

曰吾說夏禮杞不足徵也吾學殷禮有宋存焉吾學周禮今用之吾從周

右第二十八章

王天下有三重焉其寡過矣乎上焉者雖善無徵無徵不信不信民弗從下焉者雖善不尊不尊不信不信民弗從故君子之道本諸身徵諸庶民考諸三王而不繆建諸天地而不悖質諸鬼神而無疑百世以俟聖人而不惑質諸鬼神而無疑知天也百世以俟聖人而不惑知人也是故君子動而世為天下道行而世為天下法言而世為天下則遠之則有望近之則不厭詩曰在彼無惡在此無射庶幾夙夜以永終譽君子未有不知此而蚤有譽於天下者也

右第二十九章

仲尼祖述堯舜憲章文武上律天時下襲水土辟如天地之無不持載無不覆幬辟如四時之錯行如日月之代明萬物並育而不相害道並行而不相悖小德川流大德敦化此天地之所以為大也

右第三十章

唯天下至聖為能聰明睿知足以有臨也寬裕溫柔足以有容也發強剛毅足以有執也齊莊中正足以有敬



也文理密察足以有別也溥博淵泉而時出之溥博如  
天淵泉如淵見而民莫不敬言而民莫不信行而民莫  
不說是以聲名洋溢乎中國施及蠻貊舟車所至人力  
所通天之所覆地之所載日月所照霜露所隊凡有血  
氣者莫不尊親故曰配天

右第三十一章

唯天下至誠為能經綸天下之大經立天下之大本知  
天地之化育夫焉有所倚眈眈其仁淵淵其淵浩浩其  
天苟不固聰明聖知達天德者其孰能知之

右第三十二章

詩曰衣錦尚絀惡其文之著也故君子之道闇然而日  
章小人之道的然而日亡君子之道淡而不厭簡而文  
温而理知遠之近知風之自知微之顯可與入德矣詩  
云潛雖伏矣亦孔之昭故君子內省不疚無惡於志君  
子之所不可及者其唯人之所不見乎詩云相在爾室  
尚不愧于屋漏故君子不動而敬不言而信詩曰奏假  
無言時靡有爭是故君子不賞而民勸不怒而民威於  
鈇鉞詩曰不顯惟德百辟其刑之是故君子篤恭而天  
下平詩云予懷明德不大聲以色子曰聲色之於以化  
民未也詩曰德輶如毛毛猶有倫上天之載無聲無臭

至矣イクルカナ

右第三十三章子思因前章極致之言コトハカクニ反求其本復モトム

自下學為已謹獨之事推而言之コレヲモツテ以馴致乎篤恭而トクキヨクシテ

天下平之盛又贊其妙ソノウチヲ至於無聲無臭カモトカフニテノチニヤム而後已焉蓋

舉一篇之要而約言之ヨクシテ其反覆丁寧示人之意至深

切矣セツナリガク學者其可不盡心乎ベクニマサルレクサト

中庸章句畢

館書圖京東

漢書門

經籍類

函

架

號

冊

二七

一三